

La BCG vegn premiada sco «Best Recruiter Schweiz 2013/2014»

■ (cp) La Banca Chantunala Grischuna (BCG) survegn il premi «Best Recruiter Schweiz» per ils onns 2013/2014. Questa distincziun sa basa sin il pli grond studi da recrutaziun en Svizra cun 500 firmas examinadas. La BCG cuntanscha l'emprim rang da las 26 bancas testadas. Suenten il sigil da qualitat «Top Arbeitgeber Schweiz» e las distincziuns da kununu.com, la plataturma per valitar collavuraturs, survegn la Banca Chantunala Grischuna per l'emprima giada er il label «Best Recruiter Schweiz 2013/2014». Ins ha examinà la preschientscha da recrutaziun online, il contact cun candidatas e candidats ed analisà inserats da piazza online.

La BCG a la testa da las bancas svizas

Il studi ha resguardà totalmain 500 firmas svizas. Tranter las 26 bancas examinadas cuntanscha la Banca Chantunala Grischuna l'emprima piazza ed en l'evaluaziun totala piazza 25. «Questa distincziun è ina cumprova per noss marketing da personal e mussa nossa pretenziun da direcziun e l'effect positiv da la marca BCG sin il martgà da lavur», sa legra *Alex Villiger*, manader da personal.

Il pli grond studi davart la recrutaziun da personal

«Best Recruiters» è il pli grond studi davart la recrutaziun da personal en Svizra. El testa las interpresas tenor differents cri-

teris structurads en in sistem da trais pitgas. En l'emprima pitga analysesch'ins la preschientscha sin paginas-web da carriera ed en il social web. Quai è oz ils channels d'infurmaziun ils pli impurtants per candidats potenzials. En la segunda pitga vai per la qualitat, la grondezza ed il cuntegn d'infurmaziuns dals inserats da piazza online. La terza pitga metta il focus sin il contact personal cun las candidatas ed ils candidats. La Banca Chantunala Grischuna è vegnida testada activamain cun candidaturas iniziativaas per e-mail, telefon ed online. En las retschertgas ha la banca en pli persvadi cun sias competenzas en la recrutaziun da collavuraturs.

Dapli infurmaziuns chattais Vus sut www.gkb.ch/jobs u www.bestrecruiters.ch



La Banca Chantunala Grischuna (BCG) survegn il premi «Best Recruiter Schweiz».